

房屋事務委員會  
橫洲發展項目事宜小組委員會  
2019年2月1日(星期五)會議

議題：處理受橫洲發展項目所影響的動物的安排及相關政策事宜

---

發言人士： 香港動物福利法(民間草擬)成員 - 唐狗就是寶  
外務統籌 - 麥淑貞小姐

根據村民提供資料，橫洲發展係7年前已經開始研究，然後定係今年撥款通過後就會先拆3條非原居民嘅村去起第一期公屋。拆村需要作出合理賠償同埋安置村民，呢樣政府無理由唔知道，不過好可惜政府卻一直忽視左村入面動物安置呢一部分。

歸根究底，香港政府及負責嘅官員對於「動物也是家人」呢種觀念可以話係無，所以每一次出現要拆村滅村去發展鄉郊項目時，動物自然就會首當其衝成為犧牲品。

其實動物生命同人類一樣是平等的，亦應該擁有相同的生存權利，所以唔理政府點樣發展鄉郊，除左需要安置人類之外，亦必須要妥善安置埋區入面嘅動物。如果由得動物自生自滅，甚至將責任轉介漁護署進行撲殺/人道毀滅，都唔係一個文明地區對待動物應有的態度和方法。

其實觀察香港多年來對待動物相關事宜，比市民感覺都係比較忽視、唔重視動物議題，所以為左橫洲嘅動物能夠安全地活下去，我地要求政府：

- 1。 盡快同村民制定長遠安置區內動物計畫。(例如：撥地設立臨時收容所照顧佢地)。
- 2。 進行大規模捕捉，絕育工作，至少可源頭控制繁殖。
- 3。 村民養開的嘅貓狗，如果將來獲派上樓，都必須要獲得不限數量一次性放寬公屋養貓狗至終老為止。

最後，希望在坐官員明白，唔理你有無飼養動物，都應該同意，一個有良心嘅人係唔會因為要搬屋而放棄自己養嘅寵物！ 同樣一個負責任的政府，亦唔應該只係以人道毀滅來解決社區動物問題！！！！